

Muitalægje

~
cuvgetusa haleduvvidi sami gaskast.

Num. 3.

Marts manost 1875.

3ad jakkodak.

Juo duođai i mate mikkege oudanet oktesaš bargo bokte sami gaskast!

Mannam august manost čali Henrik Olsen Lavvonjargast dam avisi dænoalaš olbmuidi dam avisi dam birra, atte sagga darbašlaš lifči viste oazžot Suoidndsullui, gost matkalažai šivtak matašegje suoje gavdnat. Mutto nuftgo buok arvalusak ænaš samidi, bottusek vaiko gæst, orruk dego aibmoi hallujvum, nuft daida datge. Æp alma juo mi læp gullam, atte oktage sabmelaš Buolbmak særvest, mi maida vissage darbušifči avke adnet daggar vistest, læk ovdastmannen algam, čoaggem diti maidege dam arvaluvvum adnui.

Mutto nuft moft dat læ duššalažžan oidnujuvvum albmug dovdo vuollai bigjat maidegen oafaruššat dam arvaluvvum viste oazžom diti, nuft lifči vara maida duššalaš singuim arvalet maidegen jakkasažat gola-tet balkan vissis olbmui Lavvonjargast, gutte matkalažaid galgaši viežžat Lavvonjarga bællai ja saddo bællai fast doalvot, vaiko mai datge lagadus lifči hui darbašlaš. Gal-ladašši læ dappatuvvam, atte olbmuk læk igjabodda bargom Suoidnesullust rasta bæ-sam diti, mutto daina gudnin læk fast fær-tem ruoktot forjetet. Nuft dappatuvvai man-nam čavča, atte okta nissonolmuš, gutte dol-laskipa mielde galgai mannat, galvoines bodi Suoidnesullui bæivek. Dast čuorvoi

dam bæivelakke oktan ijain dasaši go dol-laskipa oini mannamen, ja masa vela aibas goallo dam barokas sullui. Dagar hæjos dille læ min mielast surgadlaš, ja imaštatte orro min mielast, atte gielda i galga mai-dege doaimaid adnet, vai matkalaš mataši ærenoamaš hædoštume taga goasstat, gost dat juo uccan goloin mataši dakkuj.vvut. Ja mi gaddep, atte dat mataši vela golota-gage šaddat, go gielda raddetus višaši ar-valusa dam birra adnet.

Damditi mi daid sanid vuigijep ærenoa-mačet. Dænonjalme formanskapa olbmaidi, singuim arvalam diti, atte formanskapa čoak-kemest dam aše jurdašæme vuollai valdet ja ovdastolbmai dam famo addet, atte vid-nekasast occat dam adnui moadde speise, mak adnušegje dam olbmui balkan, gutte bagjelassas valdaši olbmuid viežžat ja doal-vot rasta Lavvonjarga bokte. Dam harrai mi mattep muitalet, atte vidnekasast mak-sujuvvu dagar rastadoalvoidi:

| | |
|------------------|-----------|
| Vargainuorest | 40 speise |
| Guovdagæinjogast | 5 — |
| Garašjogast | 5 — |
| Åkkolagnjargast | 15 — |

Æp mi mate arvedet, atte nuft vadder galgaši dam sæmma vidnekasast oazžot mai-da Lavvonjarga rastasatašægjai dam moad-de speisega, mak dasa adnušegje.

Ja de di sabmelažak, gæk Dænonjalme

formanskapast lapet čokkamen, oudedeket dal dam aše; mangas di dambokte avkote-pet.

Čaccessullost Marts manost 1875.

Gonagas raddejubme læ dal arvalusain boattam stuorradiggai, atte 65000 speise galgašegje miedetuvvut rika kasast dam adnoi, atte statsministeri bargo- ja assamviste rakadattet. Dak olbmak æi oro muitenesak dakkamen, atte min rika læ ucca ja vaivaš, ja atte rika kasa rutti satta læt darbašæbbo adno, go ovta nub sloata cegget, mak æmbo læk čigŋan go avken. Dam vuoro orruk æra arvalusakge boattam stuorra diggai raddejumest, mak migjidi orruk vadolažak arvedet. Nuft læ raddejubme arvalam telegrafstivrejægjai rikast, gæst mannam rekegjagest legje 1600 speise balkan, vela 400 speise lassen, mutto daina telegrafbalvalebgejidi, gæina guokte golbma čuode læ jagest, galgaši ain gæpeduvvut. Muttomidi galgaši luokkon ja dast muttomak fast vagjegvuodain šoattat agesek. I min oaivel læk dat, atte buokaidi berre ovta made balka, mutto dam oaiveli mi færtejep ječamek dovdastet, atte gaska dai buoremusat ja huonemusst balkašuvvumi gaskast læ mændo stuores ja nammalassi læk anašak dai vuolegab runa balvalebgejin nuft hæjot balkašuvvum, atte vaddes læ sigjidi hæga doarotet.

— Muiton gonagas Karl Johan galga bace cegejevuvvut dam viste oudi Kristianiast, gost stuorradigge adnujuvvu. Dat læ rekennastujuvvum makset 4500 speise.

— Ias bæive čuovganæbmai dam manost dappatuvai okta issoras dappatus Løitenest. Okta 20 jakkasaš nuorra olmai, gæn namma læi Evey Nilsen Dæhlien, šaddai goddu-

juvvum su boattemest markanest, ja buok rieveduvvum, mi su farost ja bagjelest læš læmaš; Mortar læi valdam vela biktasidge bagjelest gidda baide duokkai. Mortar læi ožžum vuogjet Even rægast ja vuojededin son læi oaivai časkam dam namatuvvum nuorra olbma, goas dat i læm varotæme. Mortar læ 71 jakkasaš. Dal læ giddagasast čokkamen ja duomos vuordemen.

— Røros guovlost čallujuvvu: Ollo sabmelazažak læk dagjak fidnam markanest, mi sin mielast orro læme jage stuoramus hervustaddam aige. Dalle si orruk dego oudalest juo mæredam oaivest læt 3 berrambæive. Dallo buoikek vaidek sagga sikke dam suoine ja jækkał diti, maid bagjeolbmui boccuk borrik, nuftgo maida dam bile diti maid vuovdai dakkik.

Olgoædnam oddasak.

Frankrikast læ vimak stuorradigge dam mattai joavdam atte læ mæredam, atte raddejubme galga læt republikanalaš. Aido fal jodi dat arvalus; dasto 353 dam dattu ja 351 fast legje vuostai. Mutto galle ain læk manga vadolaš čuolma galgat oudalgo republikanalaš raddejubme læ nanosen šaddam. Gonagas mielalažak læk dam gæčeld nuft nævremilli šaddam, atte sin avisak gæbedek Mak Mahonast, atte go son buorebo i sattam go dam, atte republikanalaš raddejume sigjidi miedetet Thiers minstar mielde, de son ožuši ammates Thlersi addet.

— Spanienest i oro dille buorranam dam bokte, atte gonagas læ valjujuvvum. Karlialažak æi oro aigomen Alfons vuolebužžan mannat, mutto vuostehagoin dustuk su soattevæga goggo dat lakkamæžža sigjidi. Estella lakka, gost Alfons su vægaines gav-nadi Don Karlos soattevægain, loapai doar-ro dam lakkai, atte Alfons færti bataret.